

NOORD A GANA PLAYA PA PUNTO

ORANJESTAD(AAN): Si parada di carnaval tabata ser juzga estilo boxeo, lo a bisa cu e aña aki, **Parada di Mucha na Noord** a gana Parada di Playa pa punto, apesar cu e parada di Oranjestad, a domina mas tanto den luho, y grandura.

Si scucha e comentarionan despues di parada ayera, por bisa cu mayoria di hende a haya cu e parada di Oranjestad no tabata locual e sa ta.

A ser comenta tur caminda cu pa locual tabata animacion di tanto den parada como pafo di parada, y e continuidad y bon coordinacion, e aña aki e parada di Noord a pasa riba esun di Playa.

Noord tabata tin bastante Disco tambe, pero esakinan a duna animacion cu tanto e gruponan como publico por a goza un mundo di nan hasta esun di mas chiquito.

Bandanan musical no tabata tin hopi, pero esnan cu a pre-

senta na Noord tabata tin tur hende moviendo.

Na Noord e grupo cu a habri e parada, **"Ban Goza"**, enverdad a dal e clabo riba cabez, esta cu tur hende a goza di verdad.

Tabata tin gruponan cu enverdad a presenta de lo mihor y cosecha aplauso hopi caminda via e ruta. Por menciona entre otro **Ban Goza**, cu su **Calendario di Aña in-**

fantil, cu a sobresali na San Nicolas y Playa tambe, **Chiquitin Bin Bin** cu su Padestoelnan riba pia, y e bunita presentacion di Aurora Kleuterschool y di Imelda Kleuterschool.

Titi cu su grupo di muchanan cu sinta tambe tabata simpel, pero bunita.

Noord su parada naturalmente no tabata tin e luho di

Oranjestad of di San Nicolas, pero locual ta ser presenta y e aña aki principalmente, no a baha cabez pa e otro paradanan.

Mirando e caida den parada di mucha di Playa e aña aki, mester por conclui cu esun di Noord tabata mas anima, mas coordina y cu mihor continuidad.

SHOW FORMIDABLE DI SAVAGE

ORANJESTAD(AAN): E aña aki cada un di e tres brassbandnan cu a participa den mayoria di actividad, manera **Savege**, **Hell's Angels** y **Academy Brass** a sobresali den nan toca, aunke un mas cu otro.

Ayera e rumornan di cu otro aña lo rebiba **"Jammin' Brass"** pa 40 aña di carnaval a bira mas creible ora cu a mira e show fabuloso cu **"Savage Brass"** tabata duna na varios lugar durante nan participacion tras di **Mini Knockout**.

Publico tabata biba cu e grupo y grita y canta hunto cu nan, durante e show di drums y brass, y cuun coreografia bon hinca den otro..

Ta net esaki ta locual e publico kier mira di su brassbandnan y cu ta duna mas realce tambe na nan presentacion den parada.

Segun **DIARIO** tin entendi **Academy Brass** a warda su show pa e siman venidero, y

tambe cu **Hells Angels** lo baha duro cu nan presentacion durante parada..

